


## Cumegn Albula/Alvra



### **Reglamaint davart multas diciplinas digl cumegn Albula/Alvra** (Reglamaint da multas disciplinas; Rmd)

Decidia dalla suprastanza communal igls 10 da schaner 2017  
e mess an vigour per igl 1. da fanadour 2017

## Reglamaint davart multas disciplinaras digl cumegn Albula/Alvra (Reglamaint multas disciplinaras; Rmd)

Sa basond agl art. 37 dalla lescha da pulizeia digl cumegn Albula/Alvra ò la suprastanza communal decidia:

### I. Determinaziuns generalas

#### 1. General

##### Art. 1 Procedura

<sup>1</sup> Multas disciplinaras pon neir incassadas segl li.

<sup>2</sup> La persunga disciplinada pò paer dalunga la multa cunter retschaveida u an terma da 30 deis.

<sup>3</sup> La multa obtigna vigour legala cun igl paiamaint.

<sup>4</sup> Schi la multa vign betg paeda, vign introduceida la procedura penala ordinaria.

##### Art. 2 Denunztga

D'ena multa disciplinara vign desistia a favour d'ena denunztga, schi:

- a. en surpassamaint coincidescha cun ena cuntravenziun, tgi na so betg neir puneida cun ena multa disciplinara;
- b. sch'igl è da supponer, tgi en castei pi rigorous seia giustificgia perveia da ples surpassamaints.

##### Art. 3 Glista dallas multas disciplinaras

Igls suandonts surpassamaints dallas prescripziuns communalas pon neir punias cun ena multa disciplinara:

Cefra	Fatg e basa	francs
1	Codesch da dretg penal svizzer (CP/StGB; SR 311.0)	
1.01	Malobadientscha anvers disposiziuns uffizialas (art. 292CP)	100.00
2	Lescha da pulizeia (LP; RIG 41.1)	
2.01	Tralasher da barricar e signalisar foss, tumbigns, rimnaders, foss da puschigna e sumigliaint (art. 8 al. 2 LP)	200.00

2.02	Allontanar indrezs da protecziun (art. 10 LP)	200.00
2.03	Passar u carar sen en territori da sagettar saro u signaliso (art. 11 LP)	100.00
2.04	Deponer neiv sen veias publicas u passapes (art. 12 LP)	50.00
2.05	Lascher girar tgangs sainza survegliaziun (art 14 al. 1 LP)	50.00
2.06	Betg observar igls scumonds da dimora per tgangs ainten lis accessibels publics (art. 14 al. 2 LP)	50.00
2.07	Betg tigneir igls tgangs alla tschinta (art. 14 al. 3 LP)	50.00
2.08	Betg allontanar igls excremants digl tgang (art. 14 al. 5 LP)	50.00
2.09	Tschuffargner e midar taragn public (art. 15 al. 1)	100.00
2.10	Pattar davent e lascher starnia rusment (art. 15 al. 1 lit. a LP)	50.00
2.11	Far igl sies dabasigns sen taragn public aint igl territori abito u ainten en oter li visibel dalla publicitad (art. 15 al. 1 lit. b LP)	100.00
2.12	Deponer satgs da rusment betg conform agl urden (art. 15 al. 2 LP)	50.00
2.13	Tralasccher igl nattager las veias an cass da tschuffargnedas (art. 15 al. 3 LP)	50.00
2.14	Far adiever surdimensiuno digl taragn general scu er da tgossas publicas sainza lubientscha (art. 16 al. 1 LP)	100.00
2.15	Far lavours, ve da vehichels, maschinas ed isaglia sen taragn public (art. 18 LP)	50.00
2.16	Deponer vehichels ord adiever, isaglia e maschinas sen taragn public (art. 19 LP)	100.00
2.17	Campar sen taragn public ordvart igl plazs definias resp. sainza lubientscha (art. 20 al. 1 LP)	100.00
2.18	Fallamaint cunter la restricziun d'access ainten zonas da pôss per la selvaschigna (art. 21 LP)	50.00
2.19	Consum d'alcohol, nicotin u otras drogas ainten zonas libras da drogas (art. 22 al. 1 LP)	100.00

2.20	Disturbi digl pôss da notg (art. 23 al. 1 LP)	200.00
2.21	Disturbis acustics insurpurtabels da terzas persungas ordvart digl pôss da notg (art. 23 al. 1 ed art. 26 LP)	100.00
2.22	Installar e duvvar otplidaders u indrezs d'alarm acustics sainza lubientscha (art. 26 al. 1 LP)	50.00
2.23	Sagettar sainza autorisaziun cun armas da fi u arder giu fis artificizials (art. 27 LP)	150.00
2.24	Far adiever da seivs da feildarom cun spegnas u oters materials privlous (art. 28 al. 1 LP)	100.00
2.25	Betg allontanar seivs da pastgira moviblas siva dalla davosa pasculaziun; deponer seivs da giatter or agl liber (art. 28 al. 2 LP)	100.00
2.26	Deponer incorrectamaintg ballas da silo e rests da pavel; disposiziuns da protecziun insuffiziantas anvers la selvaschigna (art. 29 al. 1 e 2 LP)	100.00
2.27	Canera da biagier ordvart las ouras lubeidas sainza giustificaziun u lubientscha (art. 30 al. 1 LP)	100.00
3	Lescha davart igls fatgs da sanadad digl cantun Grischun (Lescha da sanadad; DR/BR 500.000)	
3.01	Surpassamaint digl scumond da fimar tenor art. 15a al. 1 Lescha da sanadad (cf. art 5ss. dall'ordinaziun tar la lescha da sanadad; DR/BR 500.010)	50.00


## II. Determinaziuns finalas

### Art. 4 Vigour

<sup>1</sup> Chel reglamaint aintra an vigour per igl 1. da fanadour 2017.


<sup>2</sup> Cun l'antrada an vigour èm dissolveidas tottas determinaziuns daf oters decrets tgi stattan an cuntradiciun cun chel reglamaint.

Der Gemeindepräsident



Daniel Albertin

Der Gemeindeschreiber



Maurus Engler